

THE UNITED REPUBLIC OF TANZANIA
TANZANIA COMMUNICATIONS REGULATORY AUTHORITY
ISO 9001:2015 CERTIFIED



TAARIFA KWA UMMA

KUONGEZA MUDA WA USAJILI WA WATOA HUDUMA ZA MAUDHUI KWA NJIA YA MTANDAO

- 1.0** Mamlaka ya Mawasiliano Tanzania (**TCRA**) inaukumbusha umma kuwa, mnamo tarehe 11 Juni 2018 ilio taarifa ikiwataka wamiliki wote wa **Blogu, majukwaa mtandaoni** (*Online Forums*), **Redio** na **Televisheni mtandaoni** ambao wamekuwa wakitoa huduma za maudhui mtandaoni kabla ya mwezi Machi, 2018 lakini hawajapata leseni husika kutoka **TCRA**, wajisajili **kabla ya tarehe 15 Juni, 2018**. Baada tu ya tarehe hiyo hatua za kisheria zingeanza kuchukuliwa dhidi ya yejote ambaye angekuwa anatoa huduma za maudhui mtandaoni bila kusajiliwa na kupewa leseni kwa mujibu wa sheria.
- 2.0** **TCRA** inakiri kuendelea kupokea maombi mengi na inawashukuru wote wanaoitikia kwa dhati na kuona umuhimu wa kufuata sheria. Aidha, **TCRA** inakiri kupokea maombi ya wale ambao maombi yao yalikuwa na mapungufu yanayorekebishika ili wakamilishe.

Tunaendelea kuwakumbusha jinsi ya kusajili kuwa ni kutembelea tovuti ya **TCRA** katika kiunganishi: www.tcra.go.tz, kipengele cha '**Online Contents Application System**'. Kwa ufanuzi au maelezo zaidi tumia barua pepe: onlinecontent@tcra.go.tz
- 3.0** Kwa kuzingatia maombi hayo ya kuongezewa muda wa usajili kutoka kwa wadau hao wenyewe nia ya dhati ili kuwapa muda wa kutosha kukidhi matakwa ya kisheria, **TCRA** inatoa muda wa mwisho wa ama kujisajili au kukamilisha mapungufu ya maombi yao hadi tarehe **30/06/2018** ili kuwawezesha kupata leseni.

MAMBO YA KUZINGATIA:

- a)** Wale ambao wamekuwa wakimiliki au kutoa huduma za maudhui mtandaoni (*Blogu/Majukwaa/Redio au Televisheni*) na bado hawajapata leseni husika au maombi yao hayajakamilika, wanatakiwa sasa kujisajili **kabla ya tarehe 30 Juni, 2018**.
- b)** Aidha, **zui** la kuweka jambo/taarifa (*post*) yoyote zaidi ya zilizokuwepo kwenye Blogu/Majukwaa/Redio au Televisheni mtandao zao hadi tarehe 11 Juni, 2018 (*na ambazo zimeendelea kupitiwa*) **litaendelea kutekelezwa**.
- c)** Baada ya tarehe **30 Juni, 2018** ambayo sasa ni ya mwisho:
 - i.** Wale ambao wamekuwa wakimiliki au kutoa huduma za maudhui mtandaoni na bado hawajapata leseni husika au maombi yao hayajakamilika, wanatakiwa kuziondoa hewani wenyewe *Blogu/Majukwaa/Redio au Televisheni* zao na wanaweza kuwasilisha maombi mapya bila kuwa hewani;
 - ii.** Hatua za kisheria zitaanza kuchukuliwa dhidi ya yeyote atakayekuwa anatoa huduma za maudhui mtanadoni bila kusajiliwa na kupewa leseni kwa mujibu wa sheria.
- d)** **TCRA** pia itaendelea kupokea maombi mapya (mbali ya waliokuwepo) bila ukomo wowote wa muda.

IMETOLEWA NA:

**MKURUGENZI MKUU
MAMILAKA YA MAWASILIANO TANZANIA
15 JUNI, 2018**